

朱九江先生集

函一
四冊

朱九江先生集卷四

詩

春懷八首

孤生短褐走風塵偶息蘧廬見在身抱膝敢言天下事論心長
待眼中人鐙花耿照聽雞夜驛柳將縈去馬辰只有緗梅解娛
客迎年饒放十分春

贈履投簪跡豈疏蓬蒿休學閉門居題詩人日煩常侍作賦童
年擬子虛近橐叢如牛網大遠方書及雁歸初筆干氣象吾何
敢多事羣英載酒車

怱怱枯燒動陳荈漸漸飛花落酒杯有用年華虛攬鏡不勝今
昔強登臺流連佳日供多病省識名心愧不才文字起衰思七

發向來那遽薄鄒枚

人海波瀾日夜浮無心我自汎虛舟飽經憂患豪懷減弔徧興
亡古淚收讀易正須明損益著書何必待窮愁開編好趁花時
節古意今情一闡幽

從頭歲月去崢嶸臥看天階轉玉繩老輩憐才同命鳥散人羈
跡在韝鷹大科眇莽知何許小技吹噓記得曾多少拊心辜負
處扁舟江海望觚棱

月落烏嘯昨夢之舊時高李動相思天橫古塞雲隨馬風刮平
沙火炤旗道廣星辰同里聚氣豪湖海有人知居游兩地成何
事二鳥吟餘鬢已絲

謂徐佩
韋台英

稽天浮漲倒江河往歲南雲涕淚多大澤魚龍爭陸地中田井

稅委盤渦瘡痍甯免三年艾
禱祀都先九穗禾
今夕語聲含樂愷
元生于蔦緩聞歌

光風又逗海棠陰
千里韶華一寸心
春日易兼殘夢短
江流難寫別懷深
但遲鶗鴂鳴芳草
何害鷦鷯去故林
不是江南傷宋玉
明時擁鼻本高吟

廷蔭之廣甯五首

披豁生平事能狂亦可哀
文章甯造命飄泊益增才
悴羽曉音變華桐
爨尾灰防身有長劍
寂寞拂塵埃

雨泣麻衣雪那堪作遠遊
巫咸終古恨天地此生浮
蠻嶺重重樹風檣故故舟
寢興頻記取霜露滿松楸

壯士行何畏君行一失聲
小人同有母何日息勞生
浪跡衣中

綫卑栖舌本耕月輪應照見永夜有餘清
旦旦催明試侵星戒學徒艱劬僑眾母束縛布黔奴復此傷於
別難知化者樞倒衣趨執手三歎問嘯蛄
擲我驪駒曲江流應向西休論百回讀恐放萬行嘯棄吏惟耽
麴初昏重纚笄定心齊去住高臥視天倪

談太學過六榕寺寓舍三首

垂虹飲城南南海三日雨羈人殢不出坐送日月古遙識靜者
意卻跡染花譜翠墨釅欲滴庭綠相媚嫵而我亦掩關萬卷照
愁緒小屋如鳬鷺汎汎風水渚久失蟾窺夜亦闕雞唱午午長
點茶綱蓬背擢煙縷近聞新水活干啞碧掀舞豐年已在目一
飽先自許逕欲覓故人勞慰倒瓶甌開門一笑逢叫絕不能俯

嵇阮去千載投分輕鴻毛寂寞黃公壚無人繼石交逌彼陳驚

座

陳秀才
文瑞

肅客離堂劫略欠酒家胡聊分麴戶曹清懽飲文字

俊譴窮詼嘲坐久落檐花萬竅號調刁依人少稱遂盡此片晌
豪夜禁畏昏黑晚鼓紉如敲命輿急油幕曲折隨低高眼顧轉
燈火耳鳴過波濤翹坐有頓撼况爾昇者勞已矣付夢痕靜對
挑蘭膏

思君適見君失喜前相持見君還別君對面顏色低如遺萬金
劍意氣無憑依我落城北隅君去城西陞三月一相見終歲能
幾時人生無百歲念此吾將噫鄙人昨南還月墮流黃機入門
自芳草竝鏡茲容輝惜哉春華晏去若風輪馳平生意可人會
難苦多離天地信逆旅浩浩陰陽移忘情若草木吾行元子師

寄題家明經

澄湘

秀坡

山半明經宅溶溶落碧陰江湖隨地遠花竹閉門深雲氣切書
幌詩聲流玉琴一邱予亦得昔昔寄遐心

入月來風雨總至隄圍西漲向釁可憂感書二絕句

萬室郊原稔識災連雲隄砦亦堪哀傷心屋角纖纖柳三見衝
波照影來

短堞高牆深淺痕二儀積雨又黃昏哀鴻病鶴知何限才說東
風總斷魂

潦時東風則漲甚
以決邦人憂之

和錢給事春思曲

春筍扶釵紅玉香灑窗茜影朝曦涼倭媚成妝弄刀尺裁碎冰
綃破春碧銅鋪呀鎖金葳蕤黃鳥交交撩夢思微寒入翦妾先

怨明月墮懷君得知紅豆飛花應結子青陽不歸時暮矣珂馬
丁當天路長紫乙北游南雁翔煙絲香銷雪生禪陳草夢歸花
滿堂堂閒蜨嬾游絲卷今時晝長舊宵短春懷迢遞春波輓照
人斜領亦可憐淚落空波暮雲遠

寓齋詠物三首

竹

暑地涎綠陰如渴覷雪盃誰割瀟湘雲清餉蓬萊館簃簃魚尾
垂兩兩鴉角纂呼奚急揮土奈何值乾嘆眞作孤生根其一已
枯籜瑰材苦培護况乃傷擊斷負手對微哦煩吁一蕭散想當
踰歲後攢澱風柯滿指爪偶然蹟去去良晤短夜雨鳴秋堂誰
此掬吟管

鳳仙花

條苗鳳仙莖風日華色舒吐花如玫瑰浥浥媚我廬七尺麕眼
籬籬表窺扶疏匪輦而自致實恐往歲餘不然屋山雀銜子於
前除遂有蜨翅來嗜瑣眠蘧蘧野莧不自穢潛根抵其虛昔聞
害蒿苳杜老增歎歔白苳不甲拆茲花曾晏如邀客問元理兼
煮中園蔬

瓜

我昔請學圃青碧日照眼甯似此牆角瘦藤櫛竹綰是時瓜豆
棚接屋手編剗吟蜩嘒檐牙秋蟀切牀版科頭黃篋底亦得理
積簡口實良可求那慕萬金產自從走塵土辛苦蟲蝨蠅足趼
竟何成達者爲笑莞遙遙漢陰甕惻惻劉瑀限不食匏繫茲吾

生一歎赧

憶弟

恨別殘半月別懷今故園桑田豐益歎梅雨晝長昏齒弱行藏
決情高笑語尊有人傳鄭谷煙柳不開門

夢讀佩韋近稟卽寄懷落第南還二首

東勞西燕兩怱怱落日無端賦惱公遠夢警回雞唱後華年消
盡馬蹏中迷漫京國王書恨寥亮江城一笛風猶道文禽同困
羽可能擇木穩春叢

近計梁鴻出漢關五噫不唱唱刀鑲異鄉詩句勞人淚落日塵
沙壯士顏合出素衣朋舊見莫催清鏡鬢毛斑故園尚有冬青
樹歲暮山寒共往還

寄衣

省識紫薇樹姍姍近繡幃日長雞報與花落鳥銜飛獨夢悄無力怨心疲累歛茂先亦兒女宛轉寄羅衣

六月十七日談太學招同陳秀才

文瑞

家明經

澄湘

北郭

郊游晚集明經秀坡山館四首

海風饒與盡情吹古院排關慰所思地愛小山招隱處客來佳月尚圓時悔曾慷慨留詩諾話到平生易酒悲獨有言情三五什邀君塵外一舒眉

難得樊川笑口開緩尋延郭問蒿萊連山莽莽飛濤下斜日荒荒大野來天海漸涼秋有信興亡如夢劫餘灰騶夷內款龍編伏莫爲山川惜霸才

移家申約太區區苦訊江鄉俵寄租耽僻客嘲揚子白望衡吾
愛丈人烏長途疲馬慙筋力暮雨離猿有嘯呼知己四明狂監
在因依爭不賀家湖

途次太學訂
移居之約

蓊鬱重城萬瓦漉高齋花竹自嬾娟澂清夜色天如水搖盪風
聲屋似船草草楮盤真有味恩恩詩句澀難仙勒移且莫嘲逋
客暫妥名山結淨緣

奉陪山長陳蓮史師登粵秀山至山亭胡太守

方朔

設樂

置酒

到海百川匯雄觀盡此亭天空收蜃氣雨急過龍腥行噫無空
谷華鐙有落星從來盧子幹絲竹亦傳經

西園郊居

雷暝不到地遙殷雲際音雨暘兩無朕浩然天宇深交疏反頽
景縣嶮停修陰平阿下來牧高翼集歸禽游眄有肆應會心無
獨尋紛予冀良覲溽暑力不任朱炎失炙石素月方流襟激激
水荷動撼撼庭篠吟正適佳日酌遲援涼夕琴蹟故切懷曩情
新思自今居貞北宮懷抱獨南榮心願言繼微尚塵軫謝華簪
廷蔭到得舍弟宗琦消息作長歌寄之

江鄉暑炆滃煙嵐七十二峯飛壓檐雞栖人家帖桑樹外帶流
水山差參無田亦美山水縣全家呼吸餘清甘工愁翠袖寒倚
玉就衰白髮霜纏簪數齡雛穉嬌養久弄潮捉影尤跳憨有家
離家走乞米仰俯何者非誑談白雲在天花送淚吾輸安豐董
邵南有弟有弟年少廉粗穢旣盡留清嚴刪煩汰冗百搏節入

關惟取約法三百無可詒
詒汝肆念汝辛苦予顏慙
自憐難及葛藟庇廣廈枉
用言炎炎况聞風戾不稱
意萬家上箔憂僵蠶愁纏
似繭我心痲命短如絲民
氣燿忽吹佳語踰重緘此
語何自自阿咸糠粃則窄
波瀾恬凡今之人弟也堪
五柳閉門貧賤足百花釀
蜜中邊甜我聆頓作雀躍
喜以大嚼塞饞夫貪解手
兩月萬感集遲子來吐聯
牀談浮雲驚空赴急節義
和浩浩無停驂方舟沂江
吾未濟中流底處收風帆
魚函晨發鄉夢澀雁霜夜
入鐙光藍吟肩明日愁秋
衫

雜題絕句

九衢赫日氣騰騰三伏塵
勞倍鬱蒸埽地打鐘無箇
事就中輸

與柏堂僧

六榕寺丈室

無多門館自清華蒲褐風甌白足家長日如年庭似水隔牆吹
過五楞花

幽尋一棹翦波行分飯齋廚分外清

海幢寺圓公房

便汲井華重洗耳

杭榔陰聽畫眉聲

喜宗琦至二首

乾鵲驚檐喜可知解衣握手尚迷離塵容似我吟詩瘦古調輸
君抱筆奇江海有時龍變化風波無那燕差池黃齋紫蠚紅鐙
影且許從容話井眉

江東誰似阿龍超世味嘗騰漸不聊久別敘談疑夢對佗鄉懷
舊倍魂銷山城壓瓦墟煙重灌木排風塢影搖試向天街回首
立元蟬秋葉晚蕭蕭

俳體戲答友人問

謹案先生此詩道秋試也秋試薦卷中用史事主者不解以麤棄之揭曉後主

者發其卷知先生名悔自失焉

請出聽來事可嗟矛頭浙米險些些定知貧賤牛衣債未了扶

風處士家

略減容光滿月痕壓驚荀令最慇慇豐容不稱詩人婦正好環

肥瘦二分

風鬟水珮動珊珊飄瞥氛煙一慘顏擬抱齊紈同玉碎爲郎名

字在中間

附和隨聲到處皆遺珠喪貝巧安排圓明三五如珪月見否團

團在妾懷

拋到俳諧笑不禁那言鄉土力難任佗生願化同心藕補種情

絲入地深

來書云鄉土無此風致佳人失扇子去恐是爲地所囿云云失扇事雖子虛其言致足感也

晨起海棠見一花矣詩索舍弟和

雞鳴庭樹白初日上何遲碧露悄含凍幽花明見姿春華歸晏
歲吟興忘調飢信口詩篇好原通以息吹

過粵秀書院是杭大宗編修舊講地卽呈區仁甫先生

槐階晝靜陰離離秋繁滿地涼珠垂連步堂皇轉深闕夏屋具
與賢者宜咄此海邦一片席名公先後常肩差堇浦老人號儒
碩殿前作賦摩丹墀學老材鉅載翕受會希賡拜追龍夔過雨
鄰翁告牆築初昏新婦陳竈炊優容便見盛明世江湖魏闕皆
余思中朝歎惜南士喜畫以團扇繡以絲門下羅
元煥 陳華封
盡才俊說詩更有何西池一時推挽此焉盛韓山蘇海齊等衰